

Tous trois voulans achepter des joyaulx
 A la beauté qui leur estoit promise,
 Tous trois fesans une mesme entreprise,
 Tous trois estans de la fleur de jeunesse,
 Tous trois vaillans gardes, plains de prouesse,
 Tous trois logés en une hostellerie,
 Tous trois ayans tiltres de seigneurie,
 D'un mesme nom, tous trois d'antique race,
 Tous trois scavans, remplis de bonne grâce,
 Tous trois couchés dedans un mesme lit,
 La fière mort, laquelle prant desliet
 De destourner touiours quelque bon fait,
 Les a tous trois, d'ung mesme coup, deffaict
 Et les a mis tous trois en un moment,
 Près à loger dedans un monument,
 Mais, o lecteur, la piteuse deffaicte
 Qui a esté de ces trois barons faicte,
 Car eux couchés pour prendre le repos
 Sur la minuict qui est le temps dispos
 A faire mal, Athropos, la cruelle,
 Voyant l'accord d'amour fraternelle,
 L'honneur, le bien et la joyeuse vie
 De ces trois cy, toute plaine d'envie
 Et de despit, voyant le temps bien noir,
 Fit tresbucher le logis du manoir
 Ou ils estaient logés pour cette nuit
 (1).
 Par un malheur furent soudain brisés.
 O vous, lecteur, qui ceste mort lisez
 N'est-elle pas cruelle et pitoyable ?
 Avez-vous veu austrefois la semblable ?

(1) Vers omis par le copiste du temps.—F